

*Hostie Lacum* habet Obsequens : *Stagno* vulgo vocatur. Inter Marinum & Albam Longam *Lacus* est *Albanus*, cujus meminit Livius Lib. v. Hodie *Lago di Castel Gangolfo* : Sunt & *Lacus* val *Stagnum* *Nemorense*, hodie *Lago di Nemo* ; *Juturna Lacus* : *Regillus*, hodie *Lago de S. Prassode* : *Fucinus* hodie *Lago di Marfos* : *Pontina* vel *Pomptina Palus* etiam in Latio describitur a Plinio, nunc Ausente Palude. *Fundanus Lacus* : *Tiburinus* : *Cæubus* & *Simbruina Stagna*, *Flumina Tiberis* quem in generali descriptione delineavimus, & varia fl. quæ cum eo, nominibus amissis, Mare petunt. Reliqua Latii, ut antiquitus appellabantur, *Numicius*, *Loracina*, *Stura*, *Nymphæus*, *Ufens*. Montes præter septem Urbis Romæ, Colles, de quibus supra, *Albanus* est, scriptoribus omnibus Græcis Latinisque celebratissimus. *Montes Cæubus* in Sinum Caietanum usque porrectus, ab Vini, quod fert, generositate nominatissimus. *Vestinus* item, *Algidus*, *Aventinus*, *Lepinus*, *Carillus*. *Ceraunios* etiam Montes Latii habet Halicar. *Silvæ* sunt *Silva* sive *Lucus Feronia*, *Lucus Jovis Indigeti sacer* : *Diane Æolica Lucus*, *Silva Nævia* : *Campanarum Lucus* : *Algidum Nemus* : *Albana Silva* : *Angitia Nemus* : & *Furina Lucus*. Populi hujus regionis ab hæc usque tempora præterquam in Civitatibus, plerumque rudes, moribusque agrestibus, animis audaces confidentesque : Viribus corporis, non minus quam olim præstantes, Ecclesiastica ex Provinciali Romani Pontificis apud Mercatorem sic habent. *Roma* caput omnium Ecclesiarum dicta, in qua residens Papa sub se habet intra urbem v Ecclesias Patriarchales dictas, quæ sunt Ecclesia S. *Joannis Lateranensis*, S. *Petri Monasterium*, S. *Pauli* intra muros urbis, S. *Maria Major*, & Monasterium S. *Laurentii*. His Ecclesiis assignati Episcopi v i i i primum dicti Archires Pyteri. Primus & summus Papa, reliqui sub eo, *Ostiensis*, qui Patriarcha Campaniæ, & Papam consecrat, huic junctus est qui sequitur *Velletrensis* sive *Valerensis* : *Portuensis*, sive S. *Ruffina* & *Secunda*, *Sabinensis*, *Tusculanensis*, *Prænestinensis*, *Albanensis*. Iisdem Ecclesiis assignati sunt Presbyteri Cardinales x x v i i i videlicet *Titus S. Crucis* in Ierusalem : *Tit. S. S. Joannis & Pauli* : *Tit. S. Stephani* in Celiomonte : *Tit. S. Susannæ*, *Tit. S. Petri ad Vincula*. *Tit. S. Priscæ* : *Tit. S. Sirlaci* in Thermis : *Tit. S. Marcelli* : *Tit. S. Balbina* : *Tit. S. Grisogoni* : *SS. Marcellum & Petri* : *S. Anastasia* : *S. Clementis* : *S. Potentiana* : *S. Martini* in montibus : *S. Praxedis* : *S. Marci* : *S. Laurentii* in Lucina : *S. Mariæ* in Transiberina : *SS. iv Coronatorum*, *S. Sabine* : *SS. Nerei* : & *Archilei* : *S. Sixti* : *S. Eusebii* : *S. Vitalis* : *Basilicæ x i i Apostolorum* : *S. Laurentii* in Damasi : *S. Cecilia*. Iisdem adjuncti Diaconi Cardinales x v i i i. Extra Urbem in Campania maritima Episcopi, *Agnaninus*, *Alatrinensis*, *Fundanus*, *Tiburinus*, *Sagninus*, *Terracinenis*, *Verulanus*, *Ferentinus*, *Soranus*, *Aquinus*. Habet etiam sub se Papa per alias Orbis ditiones i v Patriarchales Ecclesias, quibus ibi constitutæ Ecclesiæ subsunt : *Constantinopolitanam*, *Alexandrinam*, *Antiochensem*, & *Hierosolymitanam*.

Lacus.

Flumina.

Montes.

Silvæ.

Vulgi mores.